

四庫全書存目叢書編纂委員會編

齊魯書社

四庫全書存目叢書

集部
第一二三冊

責任編輯：孫言誠 賀 偉

ISBN 7-5333-0615-5



E333/09

四庫全書存目叢書·集部一二三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 46印張

1997年7月第1版·1997年7月第1次印刷

印數1-100

ISBN 7-5333-0615-5

Z·60 集部定價：127800圓

集部第一二三冊目次

集部·別集類

甌顰洞稿五十四卷目錄二卷續稿二十七卷目錄二卷(二)

〔明〕吳國倫撰

武漢圖書館藏明萬曆刻本

.....

甌甌洞稿五十四卷目錄二
卷續稿二十七卷目錄二
卷(二)

〔明〕吳國倫撰

武漢圖書館藏明萬曆刻本

附《四庫全書總目·甌甌洞稿
五十四卷續稿二十七卷》提
要

甌甌洞稿卷之二十三

武昌吳國倫著 始安張鳴鳳校
新安方尚賢校

七言律詩九十二首

初入京喜順甫使君適至夜酌同賦

客散華陽已十年重來五馬竝朝 天青雲亦借詞
人色白首慙稱計吏賢握管春回燕谷裏聞鐘月過
鳳城邊停杯却憶同遊事何處關山不可憐

入京有感寄懷李王徐三子

春星五馬入朝天陌上衣冠異昔年官鳥不醒滄海
夢禁雲猶索 帝京篇黃金愧我非能吏白首逢人

甌甌洞稿 卷之二十三

避後賢却問西山千古月幾時虛傍酒壚懸

送龐侍御按浙江

五雲初獻漢宮春手 詔先馳柱下臣南國星辰占

建節中原耆舊識埋輪渡江兵色三吳盡行部 君

恩萬戶新此日尚須巖穴士桐江千古問垂綸

爲歐楨伯題崙山精舍

崑崙飛卓南海傍五夜西極寒無光誰結玄廬俯三
島自提如意招五羊讀書不聞山鬼哭蒼臂欲跨海
雲翔白首遨遊未得志懷中琬琰龍珠藏

贈潘廷尉時良

十年簪筆未央前八使看君雨露先結襪自忘廷尉
賈引經猶屬大儒專畿中得士先推轂幕下談兵半
執鞭欲擬風人歌吉甫丹心常傍五雲懸

過恒山酬梁乾吉憲使招飲乾吉故爲同舍給

事詩蓋有感云

三月燕南花未開恒陽立馬正徘徊因君一問浮湘
賦把手還臨望漢臺同舍十年俱去國各天今夕好
銜杯只應左掖雙梧樹曾識當年諫獵才

答道函

初與道函並騎出京已道函爲中山主人留

甌甌洞葉

卷之三十三

二

言七

飲遂失期不及追乃馳一詩約予侯之河上

云

冀北同驅上駟遊一麾相望入中州風雲倏忽鳴鑼
過景物蕨蕨按轡收公子棄繻疑汗漫故人投轄信
淹留無妨祖遊鞭先著共濟河源尚艤舟

登叢臺

邯鄲城北趙王臺入望煙沙萬里迴碧漢名堦還棟
宇翠華消息久莓苔可憐東海辭金去無復秦庭抱
壁來日暮風生千樹裏猶疑歌管送餘哀

酬汪伯玉中丞論詩

相逢京洛少年行海內蜚揚白雪名一自江湖增
跡又從星斗卜平生途窮越石身堪贖淚盡陵陽璞
始明幕府清虛橫玉軫對君山水入無聲

聞元美爲國事佛寄贈

王郎中歲欲逃禪嗜酒耽詩癖未燭成佛豈從靈運
後自機真在丈人前新營石室藏金粟小引溪流灌
白蓮便好拂衣尋爾去東林應結遠公緣

過衛

寒帷日日是登臨懷古朝歌思不禁郡遠山河開壯
麗隄蟠雲樹入陰森居人指點迴車路過客踟躕擊

甌甌洞葉

卷之三十三

三

言七

磬音幾日看花春又盡當年綠竹自淇林

送周明府赴京待調

匹馬周郎又帝京河陽花色正含情那能百里居
龐統只似三年召賈生樽酒路岐春漫別佩刀風雨
夜爭鳴從他漢粟侏儒飽莫使人傳賣賦名

黃州逢張助甫愈憲卽席得江字

西陵落日照空江楚客深春歷舊邦問渡已橫青雀
雨歌還駐碧油幢幾年岐路逢如夢一夜風濤醉
金向道張華能識劍匣中牛斗自成雙

中有懷助甫得書却寄

江上停驂及暮春銜杯江閣句爭新古來誰問滄浪
父歌罷偏愁洛浦人芳草如雲牽夢寐征衣幾日解
風塵盈盈一水勞相訊欲覓桃花何處津

謁甘將軍廟

黃龍洲接大江迴捲雪樓高巨浪摧古屋將軍遺像
在荒村伏臘瓣香來何年一破窺吳計異代還憐翊
漢才有客停舟薦蘭芷橋烏噪雨若爲哀

雨後行經東林

積雨初收白日低江州策馬遠衝泥瀑流噴雪千巖
墮雲氣浮天萬壑迷穿逕稍聞呼燕雀隔梁猶自飲
甌甌洞蒙

卷之三

四

陸

虹霓重來不辨東林社只逐鐘聲過虎溪

豐安道中遇雨攜兒阿端避宿田家

海昏新漲接彭湖問渡南來日漸晡忽有風霾生灌
木旋看雷雨過平蕪山寒自怯檐帷濕村遠見愁燈
火孤田父莫須驚五馬濁醪深夕爲予呼

酬德甫江上雜詠

掛冠梅福隱西山散髮時從江上還佩好芙蓉秋自
結門深蘿薜書常關虛舟泛泛風濤外高枕遽蓬牛
斗間逢夜踏歌誰識曲只隨明月弄潺湲

次南浦驛德甫同伯用晦攜壺見訪經宿而別

章門五馬復經過故舊相看慰藉冬渌暑披衣星正
聚隔城移榻夜如何沙頭雨歇重酤酒浦口風生一
放歌千載南州須汝輩不妨人事有蹉跎

苦雨

予自楚還郡日行雨中入境猶不絕有憂
心焉作此

六月南天雨不休七閩蠻氣接神州昆鯨吸浪飛何
遠石燕沾泥舞自愁潦涌郊原頻問渡雲迷關塞却
驚秋補天無力慚爲牧多少瘡痍淚未收

同君敬過屏山寺訪謝文度

樵溪西遶郡城斜有客清秋遠泛槎臥閣正須愁瘴
癘出郊聊復問煙霞深松避暑月窺相白石翻經天
旣甌洞蒙

卷之三

五

陸

雨花坐裏塵緣銷欲盡向來何處數恒沙

凌虛閣雨望

風雨樵嵐萬木驚登高一寄遠遊情爐煙自遶祇林
散雲氣全封剡嶂平似有法龍吟大澤忽飛靈鷲出
孤城上方樓閣虛無裏極目山川變幻生

余德甫書至却寄

歲晏孤飛江上鴻病夫猶臥海雲中風霜不傲初衣
色兵火常憑尺素通往事徘徊班女扇餘年消息楚
人弓監輿若過東林社直指蓮花是遠公

病起登臥治閣望雪

炎方積雪人爭訝病客登樓景亦奇粉堞畫迷千嶂
影冰花寒結萬林枝倦遊梁苑名甘薄竊臥淮陽
已綵一送江鄉千里日白雲黃鶴若爲期

贈方景武

強年肌骨未勝承詞賦偏工世事違過趙虛勞雙壁
贈哭秦誰解萬兵圍關山亂後移高枕雨雪吟邊失
釣磯若道使君無重客稱衡今日好誰依

季狂景武夜過郡齋席上賦得天字

傲吏長吟百粵天暮雲高竝七臺懸公餘北海時賓
客病起淮陽又歲年雪意當樽寒欲飲梅花滿暑月
甌甌洞葉卷之二十三六

人日

閉閣看梅春事幽彩屏金燕憶中州且拚七日花前
醉一破三年海上愁淑氣已隨黃鳥至壯顏誰倩白
駒留粉榆社客緘書問何計風塵罷遠遊

聞季狂已入武夷却寄

昔予曾叩武夷君九曲天從一線分洞口黃冠供石
髓樽前彩筆潤峯紋仙人杖處龍還躍玉女簫時鳳
不聞此日桃花迷往路可能冲舉躡浮雲

將至武夷以詩促季狂併約沈郭二子

武夷明日是中秋連爾還攜二客遊群芳巖懸千古
月桃花洞入五溪舟仙人委佩青霞落詞客揮毫白
雪流佳節名山如可負却從何地覓丹丘

冒雨同顧山人遊七臺山道中作

前谿春雨歇鳴橈望裏仙臺混碧霄大峽雲靈千境
合上方鐘鼓百靈朝肩輿傍險行偏好露冕凌空意
轉驕石外逢僧君莫笑此中殊勝虎溪橋

登七臺山絕頂

天削孤峯插斗傍倒看初日起扶桑山煙忽擁祇林
樹海氣遙吞舍利光臺按七星分絕景地蟠三郡俯
甌甌洞葉卷之二十三七

南荒真師已跨浮雲去猶有雙龍護法堂

空明閣夜與季狂坐談
高臺風雨極攀躋坐逼青旻萬象低峯似飛來雲未
穩榻應移傍月同樓昔人面壁非吾事明日磨崖共
汝題呼吸已堪通帝座不知何處唱天雞

望氣樓醉題贈戚將軍元敬

仗鉞新澄漳海波登樓直欲挽天河晴窗突兀三山
峙遠樹參差百雉羅帳外風雲行部曲空中鸞鶴引
笙歌酣來倚劒看牛斗只怪南天紫氣多

午日病小愈孫王二別駕見問留集臥治閣

杜門佳節起偏遲二客相過慰病思采藥名山泉未
健泛蒲高閣景堪移葵榴隔樹迎新暑煙雨平城散
晚炊敢道政成如渤海兒曹猶繫辟兵絲

晚過屏山寺

郭外羣峯過雨斜溪南蕭寺晚涼賒慈雲自覆空王
座福土常開異域花爲愛深松留五馬卻乘明月演
三車不知何佛傳燈至海嶠俱懸九色霞

西塔寺避暑

石門迴合郡城西岸幘重來路欲迷池浴九龍將雨
過塔標雙鴈倚天低酒杯無用逃河朔展齒還如在
甌甌洞葉卷之三十三

西橋步月

散步城西第二橋飛虹千尺跨山腰月明烏鵲浮空
渡風起魚龍拔浪驕圯上逢人疑化石廣陵懷古罷
吹簫野航秋水堪乘興不信河源此夜遙

顧季狂沈嘉則至自武夷夜集齋中用河字

君從九曲泛滄波念我能乘逸興過高館竹陰懸榻
久七臺雲氣入門多臨叩得客誇能賦鄢國逢人屬
和歌此夜秋風俱萬里莫辭杯酒送明河

酬方定之參政

十月江州一鴈來書緘雪色遠天開關山字字成搔
首風雨時時憶舉杯斗入步簷橫作劍雲依依望海結
爲臺無憐寂寞黃金使多病原非漢吏才

酬范方伯于中見寄

南浦題書寄海頭別情羈思兩悠悠天寒霧白蠻王
壘日落江清帝子樓高曲故從三歎識未交原自一
言收陳詩若奉明堂采羣牧誰先十二州

酬余德甫憲副

問訊章門淚一收暮雲來往自書郵浦亭卮酒期何
後郡閣烽煙臥未休歲晏客傳流水曲江深誰並采
甌甌洞葉卷之三十三

贈門人田時積東歸

得客誰先六藝場開函字字挾風霜江峯暮送湘靈
曲關夜寒分太乙光莫以下帷高董傳且看題柱屬
田郎東歸雪後溪如駛五兩輕隨海鳥翔

元日登臥治閣

高閣憑城萬井羅朝來春意起關河日南花木三陽
早天北雲霞五色多懷主尚持椒作頌卜農眞負
麥爲歌欲將鄉思登臨遣海鴈偏隨落照過

世宗皇帝輓章四首

只怪鈞天夢未通 帝星遙夜燭冥濛金輿寵幸三
芝館玉儿深憑五柞宮遺 詔替天俱朔雪望靈何
地不悲風鼎湖自有雲龍會虛使千官泣墮弓

其二

載筆曾趨供奉班江湖猶自憶龍顏宮雲不散神仙
仗禦月常飄玉女環似有飛輪馳 帝座不知遺劔
在人間千門望幸渾無計却恨蓬萊使未還

其三

南狩當年八駿馳故宮湯沐二陵知傳呼封禪無消
息駐蹕山川有夢思萬姓祝堯天共永一時傳啓

甌甌洞藁

卷之三

十

陳朝

帝無私詞臣灑淚銘功德最幸輪臺 詔未遲

其四

龍馭蕭蕭出紫宸 君王何意厭羣臣竹宮桂館春
難駐玉鴈金鳬暮已親馳道白雲及六綈寢園赤日
弔重輪珠丘只似蒼梧野南北千秋俎豆新

送張叔養侍御應 詔還京

抗疏歸來日掩關 詔書今始及東山 兩朝故事
留簪筆 先帝深恩在賜環繡斧重披雙輦下袞衣
而傍五雲間孤臣潦倒鵷行夢一夜從君萬里還

通水口贈丁司戶庸卿時攝嶢政

何地逢君不可憐 雙照七閩天玉華雲氣詩筒
滿金瑣江聲署閣野煮海近 聞鹽筴議徵兵急藉水
衡錢抵應白首勞王事肯向 青雲問後先

奉懷王祭酒于楠先生

解佩何年下石渠南州星斗護蓬居生徒尚憶三鱣
頌篋笥聊存五鳳書自許人間還大藥莫須天上有
安車對君一酌麻源水今古浮雲萬態虛

雨中過簞簞山

寒帷風雨度延津絕嶠經過息馬頻苔蘚石門蒼自
合松篁煙壁翠常勻猿聲斷續號山鬼龍氣虛無過

甌甌洞藁

卷之三

十一

陳朝

海神閭越年來新罷戰此中猶有避兵人

夏日讌何侍御山齋

在西塔寺側

烏坂城西佛口青誰從大地啓巖扃都人尚憶埋輪
事野老新傳種樹經鹿苑故題蒼蘚剝鰲峯飛影綠
雲停閒來池上看魚藻却恐垂綸犯客星

寄懷子與僉憲

隔歲音書海上傳知君長抱白雲眠牀頭雨雪烏程
酒門外菰蒲菴畫船萬事併從身外擲一官虛向淚
中遷相思未老頭俱白安得浮家共暮年

贈王太玉

有客尋仙海上回丹成還我玉華杯青牛未叱函關
去白鶴應從緱嶺來豈信瓊書占伏骨虛傳瑤草化
凡胎八公不是淮南侶五嶽真圖何處開

送王子端茂才應試

比年天府計賢能聖主新調六御興才力何人堪
八斗文心須汝悟三乘國恩自許長纓報家夢還
占匹練升臺上黃金懸市駿霜蹄遙蹴五雲騰

寄王大王二兄弟時伏闕爲先司馬白冤狀
得旨議功

有客傳書自海門知君披髮叩天關關山遍染秦廷
甌甌洞葉卷之三十三

血日月重招楚水魂石奮豈須同父難倉公虛復負
君恩無煩塚作祁連象漢使中牢禮更尊

閩闌校卷作

棘院慈光徹曙明桂宮秋色海天清函書競奏三千
牘比玉誰連十五城不忝胥臣能薦士肯令毛遂晚
知名周家典禮賓興重此日岐山又鳳鳴

放榜日作

誰云炎服異神州一日諸生國士收五色雲開天府
曙雙龍劍掣海宮秋登名只藉中臺使奏計還趨列
祁侯縱使王褒能作頌漢家經術敢同流

光澤郊外別邵武諸鄉大夫

白髮青袍郡大賓出疆爲別轉情親向
木此去何能比寇恂聞地一隅初按
番綸王程萬里樽前促回首煙霞愧隱淪

出杉關別諸父老二首

閩闌五馬玉珂鳴萬里嚴寒又北征日月重扶新
帝輦江湖猶策舊臣名翻慚父老當車意不盡風煙
臥閣情回首青山俱應別行雲無數遞前旌

其二

亂後山城疊鼓笳郊原何意見桑麻年來好與同安
甌甌洞葉卷之三十三

枕宦拙無妨屢及瓜載路扶攜心萬里度關風雨淚
千家君王若有蒼生問賜帛先應到海涯

渡江別德甫用晦

豫章西望楚雲寒欲別重歌道路難三日故人酣未
足百年羈旅病初寬已堪白社同高枕獨少青門一
掛冠波上西山流不去故牽行色繞江干

武昌渡江寄懷張助甫參議兼訂山中見訪之

約

赤壁開樽一破愁遠天相憶又三秋題書鴈領風霜
色倚棹江兼日月流鸚鵡何曾騎楚賦虹蜺常自攬

吳鉤明年春水平如雪不信門無訪戴舟

贈杜兵憲子唐

使節遙從北海回軍符直向大江開投醪百里舟師
合草檄千金幕士來兼莽重披黃歇墨烽煙漸遠鄂
王臺過逢舊識清狂客欲引瀟湘泛酒杯

重過鄴下訪謝茂秦不遇作此遺之

三年再涉漳河水問訊西遊客未還諸子向人聞戰
伐老妻垂死說關山悲風鴈塞寒相弔勝跡龍門遠
自攀吾意亦將名姓要招遊好在五湖間

涇陽驛逢劉宣甫省元北上應試酌中賦贈

瓶瓶洞葉

卷之三

十四

三

北走長安又上書氣吞雲夢欲何如相逢一問中山
酒醉語猶憐下澤車雪後煙塵清驛路春前風日霽
宸居禁林千樹俱含色合待劉郎彩筆舒

酬陳廷平王叔玉

叔玉人
子同年

郢國詞名弱冠傳漢家經術下帷先太丘有子能殊
衆北海論交不問年羈旅一樽開雨雪避人雙劍立
風煙可知白首心難壯萬里長纓畏後賢

贈陸尚寶子傳

一臥江東二十年客星常倚釣臺懸尊鱸有意供垂
白兵火無家住草玄天上徵書俄趣駕夢中操筆正

如椽看君詩從承恩日猶有煙霞癖未還

駕詣 永陵

七陵松檜

蒼五色雲隨鳳輦翔彩仗經行生雨

露珠丘相望光千官扈從天顏近萬嶺盤迴王
氣長侍從詞臣休諫獵宸遊不比幸長楊

贈李子芳

肘後羣書只浪評誰操鴻術佐長生逢君自昔煙霞
足別我何年羽翼輕視背曾知龍叔病折肱無規越
人名丹砂九轉如堪就那得人間老尚平

寒食

瓶瓶洞葉

卷之三

十五

三

四塞春煙鬱未開佳辰羈旅傍燕臺近臣沾賜醑
出社客言修被袂來百日鶯花過伏枕五陵風雨罷
銜杯歸心只逐東皇駕芳草關山日夜催

贈許元復司馭遂訂同舟南還之約

白髮高陽舊酒徒燕關攜手問江湖時名未薄雕龍
技宦跡仍懸市駿圖客裏青榆看漸落歸前黃鳥劇
相呼期君遠泛扁舟去莫使人憐楚大夫

君華書室

時下第

辭君未解薛蘿衣又抱圖書萬里歸遂倚南雲開赤
符待從北斗望彤闕強年百覽心仍壯大海三珠色

競輝漢室方傳章氏學德星寧獨聚嚴扉

送陸參軍赴南京

喜識雲間陸士龍君家太史故儒宗誰誇白面銅鞮
胤不忝丹書鼎甲封三浦樓船上落兩都詞筆斗
邊逢蘭臺夜靜江聲入只憶風吹長樂鍾

奉和少師徐相公請老述懷詩

懷土非無白苧情抗章猶負赤松盟乾坤再闢雙龍
闕日月常瞻五鳳旌況是先朝銜顧命豈應元老
厭承明天書臺下尊師禮淑氣朝來滿禁城

送謝文度赴信宜令

甌甌洞藁

卷之三

十六

海上論文調已孤天風六翮困南圖逢人未薦三都
賦垂老新遷百里符到邑珠光搖合浦看山雲氣入
蒼梧蜚芻轉戰今逾急多少瘡痍待汝蘇

送金汝介赴開封別駕

年少凌雲賦已工微名亦忝故交同那知駿骨來燕
市只似蛾眉老漢宮一日君恩黃綬結三川行色
佩刀雄憑誰莫道逢時晚龐統猶能起治中

沈箕仲雪中同諸詞客夜過

三三燕山雪正飛上林春色五雲微朝回何處堪乘
興獨憶歸授簡新聞梁客賦援琴欲按楚

臣微墟頭有酒歌相樂莫問人間屬和稀

大中丞趙元朴席間道故

初公爲御史坐劾嚴相免官還過淮海遇予
舟中小飲竟日而別越十年嚴氏族而公始
召還又五年累遷至御史中丞予適以入計至

京晤言如夢率爾成詩

抗疏先朝萬死輕東山歸去白雲驚十年高枕看
浮世一日安車起盛名南國尚思驄馬步中臺已叱
絳騶行淮陽風雨燕山月樽酒憐人短髮生

送方先生行兵備上谷

先生行平南越有功未錄調
今官

甌甌洞藁

卷之三

十七

鴈門西去朔雲馳萬壘烽煙六月師聞道單于窺上
谷不知方叔領邊陲橫戈已壯吞胡氣按轡新成出
塞詞莫向銅標嘆往事燕然今是勒功時

題王太僕祠堂

太僕以勳海夷還害詔賜旌忠
祠

太僕祠堂北斗城中牢遣祀出天京孤軍自戢鯨鯢
血萬戶齊哀鼓角聲烏夷陣雲飛不起龍嘘海色臥
猶驚乾坤未散英雄氣化作雙虹貫日明

贈張表

越國諸生短鉞懸窮途意氣向人偏三摺不受曹公
辱一諾新知季布賢難後牛衣誰對泣病來雞肋

爭憐長安片地供遊冶那得君能守太玄

送學下第歸廣陵

千金何處 龍駒萬里霜蹄却後驅且向雲林開小
隱不妨經術老名儒清秋佩結淮南桂永夜燈懸璧
社珠傾蓋得君君又別燕山風雨為踟躕

寄懷張肖甫參議時自滇南赴西粵

中原遷客一時收不道還同萬里流金馬已聞歸漢
使青門何意老秦侯十年兵火居難卜一字關山淚
未休望望蒼梧南紀盡白雲先入故人愁

贈劉民部

既既洞壑 卷之三十三 十八

河朔衣冠自昔時故家猶有景鐘遺三朝更結青
緡綬五夜常瞻赤羽旗蓬關御煙趨正笏柏梁春色
擁題詩天顏若問郎何自漢署馮唐起未遲

題龍門圖贈劉秀才

龍門日射扶桑標鱗穴濤驚坤軸搖遂有六螭駕宮
闕忽飛一經昂雲霄紫髯如戟海神助朱翼垂天風
力驕擾龍故是若家事赤手攀鱗羽聖朝

上大宗伯殷公

秘閣圖書紀鳳年暮光夜燭紫宸邊承明早曳尚書
履博望尊居太子筵多士風雲推轂應一時霖雨

賜車偏鯁堂舊著三公頌不獨關西弟子傳

發京再上殷公

廿載追趨憶漢京白頭湖海夢頻驚誰知幘被投荒
日不少綈袍戀故情感遇欲題窮鳥賦薦才真規伏
龍名聞君早晚開東閣萬里長裾避後生

息縣阻潦

孤城積雨滯行車千里歸心鬱未舒野水旋吞桐柏
廟橫流不辨玉梁渠沙邊鸛雀含愁息木末魚龍作
意喧總使須臾成大壑便應舟楫是吾廬

集徐懋弘溪閣

既既洞壑 卷之三十三 十九

喬木參差擁石林旋開亭榭水雲心檻邊溪氣三湘
碧屋裏峯嶺五嶽陰舟泊未關王子興酒酣猶發仲
宜吟移樽更待寒山月愛客惟應此夜深

集徐懋誠山亭

杖藜隨處躡芙蓉得入名園興自濃谷口分泉為九
曲舍傍穿逕著三峯留歡夜奏魚龍引散步閒隨鹿
豕蹤只擬蘇門舒一嘯萬山雲氣濟相從

銀山寺

黃姑山頭白霧升鐵壁古寺羅荒藤居人已剝金銀
氣法界猶懸日月燈聊倚孤松為結社不須三竺更

逢僧西風萬壑傳鐘磬立馬歸途思不勝

龍龕洞蒙

卷之三

二十

毛

龍龕洞蒙卷之三

龍龕洞蒙卷之二十四

武昌吳國倫著

始安張鳴鶴校

七言律詩九十四首

聞子與僉憲將入楚喜而有作

雲川書後薊門歸病臥常局白板扉得句欲憑青鳥
寄思君疑傍赤霞飛何來使節趨開府定有星槎訪
釣磯郢上相逢誰不訝陽春屬和古來稀

守巡江防三公招飲赤壁亭

山城日落水煙昏檻外驚濤萬馬奔攬勝何年呼赤
壁按圖無處覓烏村虛傳孺子能分鼎不博君侯一

龍龕洞蒙

卷之二十四

一

劉

泛樽風起欲乘樊口渡蛟龍作意吼江門

潯陽舟中別莊則勸司益甫劉世仰

楚客扁舟萬里行大江風雨若為情隋珠未變投時

色卞玉猶全別後名三宿潯陽仍問酒十年溟海正

論兵琵琶似解窮交意皮向鄰船作苦聲潯陽江邊有琵琶亭

寄題張中丞湖南書屋在開始縣南

期思城南雲木偏遠屋高樹干中天學稼不知寢丘

瘠灌花欲比少室妍蒲輪忽自雙闕下白鉞遠授三

秦車好待功成辟穀去橋邊黃石知君賢

龍江舟中

嶺外津門第幾重曲江煙雨暗芙蓉樓船暮放天邊
峽斥堠春連海上峯不道南荒來五馬仍依北斗望
雙龍官情惟有羅浮識欲覓安期何處逢

登靈洲山

鬱水西環嶺嶠來靈山中望石門開帆檣上下占潮
候檣柏參差護法臺亂後孤僧愁卓錫病餘還客畏
銜杯千秋南海衣冠氣極目猶從九曜回

黎惟敬招集山館

羊城才十集如雲楚客南浮却爲君海上風濤殊未
已人間消息總難聞抽毫夜失三珠色說劍星流五
峴瓶洞藁

卷之二十四

二

緯文杯酒林塘俱不偶春愁合向雨中分

海珠寺席間贈戴廣州朝賓

海寺飄飄巨浪中凌虛一葦信長風六鷁漫駕金銀
闕孤鷺疑投碣石宮坐久曇花天上墜望來煙水日
南空君今莫訝珠還早此地還應合浦同

酬梁公智文學

公實第

藝苑論交二十年幾人能識季方賢風塵未試涵牛
鼎道路仍投飲馬錢望海孤雲迷北極談兵雙淚濕
南天新詩不減明珠贈恰好移官合浦前

題黃幼章書室

舍傍新逕入蓬蒿旋理圖書四壁高遠史先稱牛馬
走策名無忝鳳皇毛虛亭影射三山日茂樹風含漲
海濤安得半城刀斗息與君長夜醉葡萄

登鎮海樓

羊城高枕越王臺城上孤樓夾層開曲檻虛無懸嶺
海平林飄忽過風雷天空戍笛千家落水盡蠻煙萬
里來只似劉琨長嘯處同君揮淚一銜杯

夏日登鑑江亭

地盡南荒萬嶺迴石亭斜倚鑑江開鄉心苦被蠻雲
結客淚遙含海色來六月荒城喧鼓角千家落日閉
瓶洞藁

卷之二十四

三

蒿萊炎方多難何時解極目重溟轉自哀

鑑江泛舟

蠻江一曲遠城孤萬里浮沈楚大夫遂有驪龍驚赤
水不教鴻鴈度蒼梧山煙細傍清樽吐海月遙憑短
劒扶醉裏那知窮異域林猿山鬼自哀呼

至日

何處爲樓好望京關山直北正含情宮中已應黃鐘
律海上猶聞柝鼓聲客計此時安去國君恩萬里
屬羣城衣冠曉漏疑天近五色雲隨綵線生

楊別駕破賊赤水

十年南越正妖氛鐵面楊郎氣不羣橫海自披金
甲射潮新勒水犀軍羣雄力盡千艘解萬室憂懸三
羽分田野只今爭賣劍銅標虛紀漢時勲

東齋對花有感

灼灼芙蓉媚小軒垂垂木槿傍泥垣芳菲八月秋無
恙棲息孤禽暮不喧赤羽徵兵橫絕海黃金賜吏蒲
中原夷歌處處頭堪白只有花間是主恩

答黎維敬詔石舟中見夢之作

瘴海蠻山穩謫居故人相念欲何如論文今古悲長
夜欹枕風雲薄大虛落日自迷千里駕亂兵遙阻八

觀甌洞藁

卷之二十四

四

行書曲江不比邯鄲道兩岸猿聲淚滿祛

哭薛思素少伯二首

鱷浪晨驅海霧黃龍泉夜擲斗無光臨年自應西州
石約子原無越國裝瘴嶺愁增兵後色溫陵歸是夢
中鄉乾坤不少班荆地却向悲風弔白楊

其二

虞廷嶽牧帝方咨萬里除書到未遲只怪龍蛇千
歲運翻從泉壤賦恩私方伯卒後數日新命至居人欲樹桐鄉
塚門客誰題楚峴祠望海招魂天漠漠傷心惟有白
雲馳

子與書至自武昌念予爲甚作此答之

知君不服武昌居念我南浮萬里餘岐路此生誰得
意兵戈相望一裁書洲前作賦愁鸚鵡海上脩文走
鱷魚但得青山還白髮衡門應枉故人車

春日東齋示兒無忌兼勉梁姚二生

海上百花春正饒魚龍飛躍趁春潮兒曹幸倚雙珠
樹汝輩寧虛駟馬橋策抱天人堪自獻庭聞詩禮未
應騎東齋夜夜窺弦誦合有藜光燭紫霄

答元美憲長

辛苦雙魚寄遠遊此身天地一虛舟越南未必窮還

觀甌洞藁

卷之三十四

五

客海外猶聞有九州兵火復驚降漢壘雲霞偏擁望
京樓何時共醉金闕月夢裏逢君淚亦收

答德甫

龍母山橫大海邊使君常傍石龍眠飛來一字雲爲
錦起按孤琴雪滿弦瘴癘經春皮骨在關河日夜斗
牛懸寧辭白首投魑魅萬里緇袍迥自憐

贈金將軍

將軍自合浦帥新撫民三千人觀海

闕下金雞萬里傳帳中銅虎一軍懸潢池亦于兵初
解南粵明珠貢已今行擁列星環部曲坐從高浪出
戈船請看漢主論功日諸將誰居陸賈先